

मार्निंग डोगरी न्यूज़ बुलेटिन, समें. 09.20 Hrs

<><><><><><>

Headlines

1. 100 दिनें दे नशामुकत जम्मू-कश्मीर अभियान दा व्यापक असर दिक्खने गी लब्बै करदा ऐ, 16 लक्ख कोला मते जागरूकता कार्यक्रम आयोजित, 942 गिरुतार, 49 थाहरें दी पंछान।
2. जम्मू-कश्मीर सरकारै माली अनुशासन गी यकीनी बनाने लेई केईं उपाएं दी घोशणा कीती, जिंदे च सरकारी कार्यक्रमें, विदेशी यात्राएं ते कराएं पर दफतरें लेई थाहर लैने पर पाबंदी शामिल ऐ।
3. कठुआ जिले दी अंजली देवी नै आई.टी.बी.पी दे महिला पर्वतरोही दल च माउंट एवरेस्ट पर चढ़ियै जम्मू-कश्मीर ते नारी शक्ति दा मान बधाया ऐ।
4. ग्रामीण उद्यमता गी बढ़ावा देने लेई स्वैप प्रोजेक्ट्स तैहत 36 करोड़ रपे दे उद्यमें गी मंजूरी, औंदे 4 बरें च 12 जहार कोला मते ग्रामीण उद्यम कायम करने दा लक्ष्य।
5. जम्मू प्रांतें दे सोए आहले जोन हेठ पौंदे सब्भनें प्राइमरी स्कूलें च पैहली जून ते 6मीं कोला 12मीं तगर दे स्कूलें च 8 जून थमां गर्मी दियां छुट्टियां पाने दा एलान।
हून खबरें दी तफसील कन्नै जगमोहन शर्मा।

<><><><><><>

JK-Nasha Mukht

समूलचे जम्मू-कश्मीर च चलै करदे 100 दिनें दे नशामुक्त जम्मू-कश्मीर अभियान तैळत केई रिकार्ड कायम कीते जा'रदे न। अधिकारिक जानकारी मूजब अजे धोड़ी 16 लक्ख 37 जहार 484 जागरूकता कार्यक्रमें दा आयोजन करियै 1 करोड़ कोला मते लोकें तगर एह संदेश पजाया गेआ ए। इससै मुहिम तैहत नियम कनून नाफस करने आहिलियें एजेसिएं नशाबरोधी कनून एनडीपीएस तैहत 850 मामले दर्ज कीते न, 942 लोक गिरफ्तार कीते गे न ते 49 ऐसिएं थाहरें दा पता लाया गेआ ऐ जित्थै नशे दा कारोबार चलदा हा। एहदे अलावा बड़ी बद्द गिनतरी च नशीले पदार्थ जब्त बी कीते गे न ते करोड़ें रपे दी संपत्ति बी उनें लोकें दी जब्त कीती गई ऐ जेडे नशे दे कारोबार च मलव्वज हे। जानकारी मूजब 58 जहार लोकें दा इलाज करदे होई उनेंगी नशा छोड़ने च सहायता देने लेई नशामुक्ति केंद्रें राएं मदद कीती गई ऐ। उपराज्यपाल मनोज सिन्हा जेहडे पैहले ध्याड़े थमां गै इस अभियान दी अगुवाई करा करदे न, होरें कल शोपियां च आयोजित नशाविरोधी पैदल यात्रा दरान आखेआ कि नशा तस्करें खलाफ, विजन लिहाज कीते, सख्त कोला सख्त कार्रवाई कीती जाहग। उनें आखेआ

<><><><><><>

JK Govt. Austerity Measures

जम्मू-कश्मीर सरकार नै माली अनुशासन गी यकीनी बनाने दे मकसद कन्ने केई उपाएं दी घोशणा कीती ऐ। इनें उपाएं च सरकारी कार्यक्रमें पर पाबंदियां लाना, विदेश यात्राएं, गड्डिएं दी खरीद, नमियें असामिएं दा सृजन करने ते दफ्तरें आस्तै किराएं दी थाहरें गी लैने पर रोक शामिल ऐ। वित्त विभाग आसेआ जारी इक आदेश च सब्भनें मैहकमें गी निदेश दिते गे न जे

ओह इनें उपाएं गी तुरत प्रभाव कन्नै लागू करन। एहदे च आखेआ गेआ ऐ जे केंद्र शासित प्रदेश दे बाहरें आयोजित होने आहली प्रदर्शनियां, मेले, सेमीनार, सम्मेलनं ते कार्यशालाएं गी करोआने लेई सख्त तौरा पर मनाही होग जिसलै कि निजी होटलें ते कारोबाररी थाहरें पर मीटिंगें ते सम्मेलनं पर पूरी चाल्ली पाबंदी लाई दिती गई ऐ।

<><><><><><>

MoS-Everest

जम्मू-कश्मीर दे कठुआ जिले दी अंजली देवी नै दुनिया दी सब्भनं शा उच्ची प्हाड़ी किंगर माउंट एवरेस्ट पर चढ़ियै ना शड़ा जम्मू-कश्मीर दा सगुआं भारत दे नारी शक्ति जशन दा बी मान बधाया ऐ। अंजली देवी भारत तित्तव सीमा पुलस दे उस पैहले-पैहले महिला दस्ते च शाम हिआं, जिन्नै माउंट एवरेस्ट पर चढ़ने च कामयाबी हासल कीती ऐ। साइंस ते टेकनालजी मंत्री डा. जितेंद्र सिंह होरें इस कामयाबी पर आई.टी.बी.पी दी महिला पर्वतारोहियें दी पूरी टीम गी ममारकबाद दिती ऐ। अपनी इक सोशल मीडिया पोस्ट च डा. सिंह होरें आखेआ कि भारत दियां धीयां भारतीय नारी शक्ति दे जोश, हिम्मत, दलेरी ते पक्की निष्ठा दी अंतरराश्ट्री मंचें पर इक बक्खरी पंछान बना करदियां न। डा. जितेंद्र सिंह होरें अंजली देवी दी चेचे तौरा पर सराहना करदे होई उनेंगी ममारकबाद दिती।

<><><><><><>

PM-MKB

प्रधानमंत्री नरेन्द्र मोदी इस म्हीने दी 31 तरीक गी आकाशवाणी थमां प्रसारित होने आले "मन की बात" कार्यक्रम च इक्क बारी फ्ही अपने बचार सांझे करडन। एह इस मासिक रेडियो कार्यक्रम दी 134मीं कड़ी होग। श्रोता टोल-फ्री नंबर 1800-11-7800 पर कार्यक्रम आस्तें अपने बचार ते सुझाs भेजी सकदे न। एह सुझा नरेन्द्र मोदी ऐप या मायगाँव ओपन फोरम राएं बी दिते जाई सकदे न। एदे इलावा लोक 1922 पर मिस्ड कॉल करियै ते एस.एम.एस. राएं हासल लिंक थमां बी सिद्धे प्रधानमंत्री होरेंगी सुझा भेजी सकदे ओ। सुझा 29 तरीक तगर स्वीकार कीते जाडन।

<><><><><><>

ते हुन बाकि दिएं खबरें कन्नै कुणाल श्रीवत्स।

JKRLM SVEP

ग्रामीण विकास ते पंचैती राज मैहकमे दे सचिव मोहम्मद एजाज असद होरें कल जम्मू च जम्मू-कश्मीर ग्रामीण आजीविकास मिशन दे स्टार्ट अप ग्राम उद्यमता कार्यक्रम तैहत कल यू.टी सतह दी संचालन कमेटी दी बैठक दी अध्यक्षता कीती। बैठक दरान कमेटी नै 36 करोड़ रपे दिएं 6 तफसीली प्रोजेक्ट रपोर्ते गी सैद्धांतिक रूपै च मंजूरी दिती जिंदा मकसद 6 नमें ब्लाकें च ग्रामीण उद्यमता गी बढ़जवा देना ऐ। कार्यक्रम तैहत अगले 4 बरें च 12 जहार कोला मते उद्यम खडेरने दा लक्ष्य रखेआ गोदा ऐ। अधिकारिएं मूजब इस कार्यक्रम दा हून जम्मू-कश्मीर दे 14 जिलें च विस्तार कीता जाहग।

<><><><><><>

Summer Vacation

जम्मू-कश्मीर सरकार नै जम्मू संभाग दे सोए आहले जोन हेठ पौ।दे सब्भनें प्राइमरी स्कूलें च पैहली जून थमां गर्मिं दियां छुट्टियां पाने दी घोशणा कीती ऐ। इस बरे जानकारी दिंदे होई शिक्षा मंत्री सकीना इत्तु होरें आखेआ ऐ कि गर्मी दे उप्परोतली जारी प्रकोप गी ध्यानै च रखदे होई 5मीं तगर दे सब्भनें स्कूलें च छुट्टियां पैहली जून कोला लेइयै 22 जुलाई तगर रौहडन जिसलै कि 6मीं कोला 12मीं तगर दे स्कूल 8 जून कोला लेइयै 22 जुलाई तगर बंद रौहडन। स्कूली शिक्षा निदेशालय जम्मू आसेआ जारी इक हुक्मा मूजब जम्मू संभाग दे सोए आहले जोन हेठ पौदे सब्बै प्राइमरी स्कूल 1 जून कोला 22 जुलाई तगर ते 6मीं कोला 12मीं तगर दे स्कूल 8 जून कोला लेइयै 22 जुलाई तगर गर्मी दिएं छुट्टियें लेई बंद रौहडन।

<><><><><><>

Weather

मौसम विभाग नै भविक्खवाणी कीती ऐ जे औने आहले दिनें च जम्मू-कश्मीर च मौसम रला-मिला रौहने दी मेद ऐ। अज्जै थमां लेइयै 25 मई तगर दपैहरी मगरा किश थाहरें पर तेज ब्हाएं दे कन्नो-कन्नी बरखा पौने दे असार न। 26 थमां 27 मई तगर जम्मू खिते च केई थाहरें पर मौसम आमतौरा पर खुशक रौहने दी मेद ऐ ते गर्मी दी लैहर बी बनी दी रौहग। 28 ते 29 मई गी केई थाहरें पर इक जां दंऊ बारी बरखा जा तेज ब्हाऊ कन्नै अंधी-झक्खड़ दी संभावना ऐ। 30 मई थमां 2 जून तगर दपैहरी मगरा किश थाहरें पर बरखा जां गरज-चमक होई सकदी ऐ। मौसम विभाग दे निदेशक मुख्तार अहमद होरें होर मती जानकारी दिंदे होई आखेआ.....(बाईट)

